



Inatsisartunut ilaasortaq Kristian Jeremiassen, Inuit Ataqtigiit

Aasianni talittarfik pillugu § 37 naapertorlugu apeqquteqaammut 2022-157-imut akissut

31-08-2022
Suliaq nr.: 2022 - 15595
Id. nr. 78811656

Asasara Kristian Jeremiassen

Inatsisartut suleriaasianni § 37 naapertorlugu Aasianni talittarfik pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit, Kommune Qeqertalimmi innuttaasunut ataatsimiisitsinermi akereersimasakka, matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

1. Aasianni talittarfik qaqugu nutarsarneqassava?

Akissut: Aasianni talittarfimmik nutarsaanissaq 2025-mi aallartissasoq, 2026-milu tunniussisoqassasoq naatsorsuutigineqarluni, pisariaqartitsineq pillugu misissueqqissaarneq massakut ingerlanneqarpoq.

2. Aningaasat qanoq amerlatingisut ukiut tulliuuttut Aasianni talittarfiup nutarsarneqarnissaanut immikkoortinneqarniarpat?

Akissut: Pisariaqartitsineq pillugu misissueqqissaarnissaq ilanngullugu pilersaarusiornissamut, 2022-mut Aningaasanut Inatsimmi katillugit 2,5 mio. koruunit immikkoortinneqarput. Pilersaarummi aningaasaliissutit marlunnut avillugit aningaasaleeriaaseq aallaavigineqarluni aallaqqaammut pilersaarusiornissamut aningaasanik immikkoortitsisoqarpoq, suliariumannittussarsiuussinermilu inernerit akuerineqarsinnaasut pigineqaleriarpata, Aningaasaqarnermut Akileraartarnermullu Ataatsimiititaliap akuersissuteqarneratigut suliaassap suliarineqarnissaanut aningaasaliissutit konto pingaarnermit 80.00.01 Nuussinissamut sillimmatinit atugassanngortinneqassallutik.

3. Aasianni talittarfik allineqarniarpa? Allineqassapput qaqugu allineqassava?

Akissut: Tassunga tunngatillugu pisariaqartitsineq pillugu misissueqqissaarnermit inernerit utaqqineqarput.

4. Asiaat talittarfiat iluarsanneqarnissaanut aningaasat qanoq amerlatingisut pisariaqartinneqarpat?

Akissut: Apeqqut nr. 3-mut akissut innersuussutigaaara.

5. Aasianni talittarfimmik kilisaatit niusinissaminnik killilersorneqartarpat tulaffissaqannginnamik?

Akissut: Kilisaat usingiarniarluni talissinnaangippat usilersoqqinnissamut periarfissaqarpoq. Aalisarnermik nakkutilliineq pillugu Namminersorlutik Oqartussat nalunaarutaat nr. 23, 22. juni 2021-mersumi §§ 14-15 innersuussutigalugit, angallammut allamut usilersoqqinnissamut malittarisassaqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Erik Jensen